

SOUTHERN LIVESTOCK FARMERS NETWORK (SOLIFANE) JWANENG			
Name	Surname	Title	Telephone
Donald	Simon	Chairperson	7347 1478
Lethogonolo	Setswalo	Vice Chairperson	7165 5122
Phenyo	Moakofhi	Secretary	7358 9282
Seitiso	Moreputla	Vice Secretary	7383 5591
Boiteko	Mokabati	Treasurer	7349 9779
Gabaakanye	Keakohile	Additional Member	7345 8558
Tshekiso	Tsholohelo	Additional Member	7358 1739
Dipuo	Motswaiso	Additional Member	7580 9711

GHANZI FARMERS NETWORK			
Name	Surname	Title	Telephone
Rachel	Kelefithetse	Chairperson	7317 7432
Kabelo	Modise	Vice Chairperson	7303 4511
Sethabane	Boikothao	Secretary	7165 8055
Vivian	Mikgathanyane	Vice Secretary	7394 5514
Kebalepile	Bantshwanetse	Treasurer	7627 9626
Ofaletse	Thaushe	Additional Member	7370 1935
Molapi	Kwadipana	Additional Member	7371 2676
Nelson	Molatole	Additional Member	7369 6785
Tjiramanga	Mokgathanyane	Additional Member	7777 8512
Bakang	Ramoswaane	Additional member	7269 1516

AGRICULTURAL SHOW DATES 2018		
Name of Show	Venue	Date
Kgalagadi North Farmers Youth Club Field Day	Hukuntsi	23 March 2018
Mzanico Smallstock Production Expo	Tlokweneng	31 March 2018
Kang Farmers Day & Educational Workshop	Kang	13 - 15 April 2018
Mosisedi Commercial Farmers Field Day	Venue to be announced	5 May 2018
South East Farmers Day & Market Day	Venue to be announced	12 - 13 May 2018
Southern District Beef Farmers Association Field Day	Samane	25 - 26 May 2018
Chobe Agriculture Show	Pandamatenga Show Grounds	28 - 30 June 2018
Ghanzi Agriculture Show	Ghanzi Show Grounds	2 - 8 July 2018
Goodhope Show	Venue to be announced	19 - 22 July 2018
Moshupa Show	Venue to be announced	25 - 29 July 2018
Ngamiland International Trade & Agricultural Expo	Maun	1 - 4 August 2018
Southern District Agriculture Show	Kanye	1 - 5 August 2018
National Agriculture Show	Gaborone Show Grounds	20 - 26 August 2018
National Smallstock Expo	Venue to be announced	25 - 27 October 2018
Women in Farming Expo	Serowe	2 - 3 November 2018

**Contributors:**  
 TD Ngwako — Department of Veterinary Services  
 Mr. Gareutwane Gaopatwe - Agricultural Development and Food Security

**CCB Contacts:**  
 Morulaganyi Kokole: +267 7211 9355/ 7294 1197  
 Phale Seele : +267 7511 9485/ 7289 7874  
 King Modise: +267 7440 4531/ 7348 6482

**Ditiro tsa di Network di Rotloeditswe ke ba:**



**Canon**




European Union



Republic of Botswana



# MASAKENG FARMERS NEWSLETTER



Mo Kgatisong e:

**Ditiro tsa di Network  
 Dikgang tsa Thuo le Dikgakololo  
 Lesaka la Ditshupetso la CCB  
 Sesupo sa Matlhoko a Leruo le Kalafi**

Mopitlo 2018

Kgatiso: 2

## Kamogelo

Ke a lo dumedisa ke bo ke lo amogela mo kgatisong ya rona ya bobedi ya pampiri ya dikgang tsa barui ya Masakeng. Ke nnete gore barui ba ba nang le kitso ba ka dira botoka ka thuo ya bone mo go ntsheng thuo ya boleng jobo ko godimo go leka go fokotsa matshwenyego a atlang le kgotlhang ya batho le diphologolo. Ngwaga wa 2017 e ne ele o monamagadi ebile ele ngwaga wa go ithuta le go aga dikgolagano tsa rona tsa barui. Tiro ya rona e tona ke go lomaganya barui ba dikgolagano tsa rona go ba thusa go abelana kitso, go ikgolaganya le ba ba berekelang mo thuong le gone go thusa go tihabolola matshelo a rona ka thuo. Dikgolagano tsa rona di bopilwe ka barui ba dingwaga le dikitso tse di farologanyeng mme se se bothokwa fela thata ka re ithuta mogo ba bangwe. Re ithuta mo bagolong ka ditsamaiso tsa thuo ya bogologolo mme le bone ba ithuta mo go rona ka thuo ya segompiano. Jaaka kgotlelesego ya loapi esa re ema sentle, go bothokwa thata gore re kopanye ditlhogo le botsipa jwa rona go nonotsha le go atolosa thuo ya rona ka methale ya thuo ee dirisiwang mo sebakeng sa gompiano. Re dumela gore fa re ka tsewela re bereka mmogo jaana, re ka felela re robile go le go ntsi ka thuo ya rona.

**Rachel Kelefithetse  
 Modulasetilo  
 Ghanzi Farmers' Network**



**Maloko a Ghanzi Farmers Network ba etetse Rre Thaushe ko polaseng ya gagwe ko Ghanzi**

## Di Network

Maloko a di Network tsa rona ba ntse ba le malala a laotswe ka go tseenelela ditirelo tsa barui go nonotsha le go aga thuo ya bone. E ne ya re ka ngwaga wa 2017 Mopitlo a tihola malatsi ale mararo, ba Ghanzi Farmers Network ba etela mongwe ka bone, Rre Ofeletse Thaushe mo kgaolong ya Ghanzi, go bona jaaka a dira mo thuong ya gagwe. E ne gape e le sebaka sa maloko go nna mmogo le go arologana maele a thuo le Rre Thaushe jaaka go aga masaka aa tiileng go kganela dibatana go tseenelela leruo, go fa leruo dijo, go kwala dibuka tsa leruo le tse dingwe fela jalo tse di amanang le tlhokomelo ya leruo.



**Maloko a Ghanzi Farmers Network ba tseeneletse dithuto tsa BAITS ko merakeng ya Lekanyane**

Maloko a Ghanzi Farmers Network ba ne gape ba tseenelela thuto-puisano ko merakeng ya Lekanyane e e neng e rulagantswe ke ba lephata la matlhoko a leruo ba Ghanzi ka kgwedi ya Motsheganong e tihola malatsi a le boferabongwe. Maikaelolo a dithuto tse, ene ele go rurifatsa barui mo kgaolong ya Ghanzi gore ba kgone go rekisa mo mmarakeng wa European Union. Mookamedi wa Botswana Animal Information and Traceability System (BAITS) Dr. Babayani o ne a thalosetsa ba tseenelela dithuto ka tse di tlhokafalang gore ba kgone go rekisa leruo la bone ko mmarakeng wa European Union go sena dikgoreletso dipe.

“Se se molemo ka lenaneo la BAITS ke gore barui jaanong ba na le sebaka le maikarabelo a go rekisa dikgomo tsa bone. Se se bothokwa thata ka gore re le barui re tla tsaya maikarabelo tlhokomelo ya leruo la rona gore re kgone go rekisa ko mmarakeng wa European Union. Ke mogopolo o montle ele ruri ebile reo amogela ka mabogo a mabedi,” go bua jalo Ofeletse Thaushe - Ghanzi Farmers Network.



## Di Network

Ka kgwedi ya Motsheganong e tlhola malatsi ale masome a mararo, ba CCB ba na le ba Vetswana bane ba dira loaro mo dintseng di le boferabongwe tsa maloko a mokgatlo wa Ghanzi Farmers Network. Dintsa tsotlhe go ne ga supagala fa di dira sentle morago ga loaro lo ebile di boetse sentle mo tirong ya tsone ya go disa. Loaro lo, lo bothokwa thata mo dintseng tse di disang ka lodi sireletsa mo malwetsing le gone go tshomamisa gore di disa mo go eletsegang.

Maloko a Southern Livestock Farmers Network (SOLIFANE) ko Jwaneng ba ne ba tsenelela ditshupo tsa barui ba Southern District Beef Farmers Association ka Motsheganong 2017 kwa motseng wa Kanye le ditshupo tsa temo-thuo tsa Ghanzi ka kgwedi ya Phukwi. Ba SOLIFANE ba ne ba kopana le ba Ghanzi Farmers Network go abelana dikitso le tse di ka tswang di ba tshwenya mo dikgaolong tsa bone tsa thuo. Bobedi bo, bo ne ba etela morui wa tlhathlwa mo kgaolong ya Ghanzi, Rre Kevin Grant ko polaseng ya gagwe go ithuta ka mosola wa go tlhokomela mafudiso ka fa go tshwanetseng. Maeto a, a file maloko ka bobedi sebaka sa go ithuta, go iponela ka matlho le go tlhologanya gore go raya eng go tsena mo kgwebong ya thuo. "Re ithutile go le go ntsi ko polaseng ya ga Rre Kevin Grant ka tlhokomelo ya mafudiso le gore fa re na le tsamaiso ee maleba ebile re bua ka lentswe le le lengwe re le barui, re ka kgona go fitlhelela ditiro tsa rona tsa thuo," ga bua jalo Rre Keolatetse Marambe wa Ghanzi Farmers Network.

Maloko a mekgatlo ka bobedi ba ne ba nna gape le sebaka sa go bapatsa di Network tsa bone ka seromamowa sa Botswana ka ditlhaeletsanyo. Maloko a SOLIFANE ba ne etela seromamowa ko Gaborone ka kgwedi ya Phatwe go bapatsa di Network tsa bone, maikaelelo a tsone, ga mmogo le go bua ka tse di amang diphologolo le thuo. "Ke ne ke itumetse thata itse gore ke a go bua mo seromamoweng ka dikgang tsa mekgatlo ya rona ya barui le ditirelo tsa ba CCB, bogolo jang go bua ka Dikgang tsa kgotlhang ya batho le diphologolo. Re solofela go tlhabolola le go atolosa mekgatlo ya rona gore re ntshe maduo aa maleba fa nako e ntse e tsamaya," ga akgela jalo Rre Donald Simon, modulasetilo wa SOLIFANE.



Maloko a dikgolagano tsa barui ba buisana le Rre Kevin Grant ka tlhokomelo ya mafudiso ko polaseng ya gagwe

## Kalafi ya Leruo – Tse o ka di Itseng

By Mr. D.T. Ngwako, Veterinary Officer, Smallstock Section, Department of Veterinary Services - Ghanzi

Tlhokomelo le kalafi ya leruo e bothokwa thata ka e rotloetsa botsogo bo bontle ba leruo le ba setshaba. Ka jalo, tiro ya mokenti e akaretsa go kenta, go alafa leruo le go gakolola barui ka tse di tlhokafalang mo thuong jaaka dijo tsa leruo, melemo, go thibela malwetsi le kalafi. Go bothokwa go itse malwetsi a leruo le ka fa a kentelwang ka teng go itsa go anama ga malwetsi le gone gore ke afe malwetsi aa tshwenyang ka dipaka ka go farologana. Morui o tshwanetse go netefatsa gore leruo le diruiwa tse dingwe tsa mo gae di kentelwa malwetsi ka dinako tse di tshwanetseng go thibela malwetsi le go fokotsa go lathegelwa ke leruo.

Dintlha tsa Bothokwa fa o Kenta Leruo:

1. Reka mekento ka selekanyo se se tlhokafalang
2. Bala ka kelotlhoko ditaello tsa mekento
3. Baya mekento ka fa go tshwanetseng
4. Elatlhoko gore mekento e tswa leng mo tirisong
5. Dirisa di dirisiwa tse di phepha nako tsotlhe


	Pasteurella	Pulpy Kidney
<b>Dikai</b>	Go tlhoka go ja sentle, go hema mo go sa tlwaelesegang, metsi aa tswang mo mathong le mo dinkong le go gotlholo. Go swa ga seruiwa.	Go hema mo go sa tlwaelesegang, go tshologa mathe, letlhatso, go thuthunya ga meno, go dikolosa matlho le go thunya ga ditshika. Go swa ga seruiwa.
<b>Tse di bakang Bolwetsi</b>	Go ja tlhaga e tala jaaka morago ga dipula. Go tlhoka go tsoga sentle ga leruo jaaka phetogo ya loapi mo go sa iketlang le go tlhoka go ja sentle.	Go fetoga ga phulo le dijo le kalafi ya dibokwana.
<b>Kalafi</b>	Kenta ka sulpha or Oxytetracycline (Sulphatrim or Liquamycin LA).	Ga gona kalafi ee tsepameng ka gore bolwetsi bo itemotsha go setse go sena nako ya go bo alafa.
<b>Thibelo</b>	Kenta leruo go ya ka fa ditaelong tsa mekento. Ntlha: Mokento ga o sireletse leruo mo go tsepameng ka jalo Pasteurella e ka boelela leruo gape. Dikgongwana di ka kentiwa makgetho a le mane ka Hirikgong/ Tlhakole le Lwetse/ Phalane gabedi mo ngwageng morago ga dibeke tse nne go ya go tse thataro fa tse di tona di kentiwa ka ngwaga.	Kenta leruo go ya ka fa melaong ya mekento. Kenta dikebe tse pedi pele ga o alafela leruo dibokwana. Dikgongwana di ka kentiwa makgetho a le mane ka Hirikgong/ Tlhakole le Lwetse/ Phalane gabedi mo ngwageng morago ga dibeke tse nne go ya go tse thataro fa tse di tona di kentiwa ka ngwaga. Fa bolwetsi bo setse bo tlhagole, dirisa mokento wa tetracycline.

**Mekento ya Pasteurella le Pulpy Kidney e ka bonwa mo marekisetso mangwe le mangwe a rekisang melemo ya leruo ka tlhathlwa ya P10.00 le P2.50 ka tatelano.**

## Go Tshela Mmogo le Dibatana mo Kgaolong ya Ghanzi

Kgotlhang ya batho le diphologolo e ntsi thata mo mafelong a temo thuo ebile e gakadiwa ke gore dipalo tsa batho di dintsi mo mafelong a diphologolo. Go tlhokana le tlhokomelo ya mafudiso ee maleba le maele a go fokotsa ditlamorago tsa kgotlhang ele mengwe methale ya go godisa go tshela mmogo ga batho le diphologolo. Mengwe ya methale e, e akaretsa go tlhatlhela leruo bosigo, go aga masaka aa tiileng, go dirisa badisa, le go dirisa dintsa tse di disang. Dipatlisiso tse di dirilweng ke ba CCB mo Botswana di supa fa leruo le dira 6% ya dijo tse di jewang ke sebatana sa letotse. Go supa se mo baruing go ka thusa go fetola ka fa ba lebang sebatana se ka teng mo mafelong a bone a thuo ebile go ka fokotsa dipalo tsa matotse aa bolawang ka ntlha ya gore a ja leruo ka bokete bo bo feteletseng. Dipatlisiso tse di ka thusa barui le lefatshe la Botswana go tsaya ditshwetso tse di maleba mabapi le thuo ka kakaretso.

Species Most Frequently Reported as "Problem Animals" in the Ghanzi District in 2015



## Bomme ba Eteletse pele mo Thuong

"Ke kgalhegetse thuo ka ngwaga wa 2008 mme ka dirisa madi aa ntseng ke a boloka go reka dikgomo di le tharo go ruela ko merakeng ya Okwa/Gwana. Dikgomo tsame tsa oketsega go nna supa ka ngwaga wa 2014 mme ka kgalhegela go oketsa leruo lame ka go tsenya dihutshane. Go bona toro e e diragala, ke ne ka rekisa kgomo mme ka reka dipodi di le nne." Mme Setlabane o rurifatsa fa thuo e tokafaditse botshelo ba gagwe mme a supa fa a na le dipodi di le lesome ebile a kgona go rekisa dingwe go reka leokwane la sediba sa gagwe, go duela modisa le gone go tlhabela ba lelwapa la gagwe. O supa gape fa go nna lelolo la Ghanzi Farmers Network go mo soletsetse molemo thata ka ebile ele mokwaledi wa mekgatlo o. Jaaka fa e le motho wa Mme mo thuong, o supile fa a na le maikaelelo a go godisa thuo ya gagwe gore a kgone go itshetsa ka yone le ba lelwapa la gagwe.



Mme Boikotlhao Setlabane ko morakeng wa gagwe



Mothusa motlhokomedi wa lesaka la ditshupetso la CCB, Rre Calvin Phillips

## Dikgang tsa Lesaka la Ditshupetso la CCB

Lesaka la ditshupetso la CCB mo kgaolong ya Ghanzi le simolodisitswe ka maikaelelo a go supa tsamaiso e e lolameng ya thuo ya dihutshane ka go dirisa metlhale ee farologaneng ya thuo go fokotsa tshenyoy ya dibatana., go tokafatsa botsogo ba leruo le gone go tlhabolola thuo. Ba le bantsi ba ne ba sa dumele gore go a kgonega go rua mo mafelong a a nang le dibatana mme bontsi bo ne ba simolola go dumela fa ba sena go iponela ka matlho fa lesaka la CCB le godisa thuo ya bone ka 200% go na le tshenyoy ya dibatana ya 1% ka ngwaga. Lesaka le dirisiwa gape go katisa dintsa tse di disang pele ga di abelwa barui mo kgaolong ya Ghanzi.

Lenaneo le la dintsa tse di disang le supile maduo aa nametsang mo go fokotseng tshenyoy ya dibatana mo leruong le go tlhabolola go tshela mmogo le dibatana bogolo jang sebatana sa letotse. CCB e setse e abile dintsa di le masome a mane le bobedi mo kgaolong ya Ghanzi mme dintsa tse go supafala fa di dira sentle mo tirong ya tsone ya go disa. Mo legatong le lengwe, CCB ba tsere tshwetso ya go tsenya dinku mo lesakeng go tokafatsa botsalano ba dinku le dintsa tse di disang bogolo jang dintsa tse di abelwang barui ba ba nang le dipodi le dinku. Mo sebakeng se, lesaka la CCB le le na le dinku di le tharo, dintsa tse di disang dile pedi le dipodi di le masome a mathano le boraro.



Dintsanyana tse di santseng di katisiwa ko lesakeng la ditshupetso la CCB